



Vettvangur fyrir þátttöku eldri borgara - samskipti og framtak (PLACE EE)

Upplýsingar um viðburði:

Velkomin í tölublað 3 af fréttabréfi Vettvangs-EE. Við getum sagt frá fjölda spennandi mála:

Samfélagstenglar okkar hafa verið á ferð og flugi við að virkja unga sem aldna íbúa og þróa samstarf í samfélaginu á sínu heimasvæði.

Við höfum verið að þróa fjölda „tækja og tóla“ til að aðstoða við að virkja og þróa samfélagið, sem verður frekar sagt frá í næsta tölublaði.

Bæði ungir og aldnir þátttakendur hafa bæst í hópinn í Vettvangs-EE verkefninu og byrjað er að halda vinnufundi.

Hver er staðan núna?

Á öllum þátttöku svæðum er verið að fylgja skipulagi viðburða, fyrir annars vegar vinnufundi fólks á sama aldri og hins vegar vinnufundum fyrir samskipti og færni þvert á kynslóðir.

Samfélagstenglar okkar eru að skila inn Vettvangs-EE „tækjum og tólum“ og safna saman efni í fjölbjóðlega gagnasafnið.

Við póstum reglulega á samfélagsmiðla okkar og vefsíðu uppfærslum um viðburði, ásamt tengdum greinum og verkefnum. Sjá bls. 6. fyrir frekari upplýsingar.

Í þessu tölublaði:

Í þessu tölublaði segjum við frá helstu niðurstöðum vinnufunda okkar, þ.m.t. endurgjöf frá þátttakendum (bls. 2-4); við bjóðum Lisbeth, nýja samfélagstengilinn okkar í Skellefteå, velkomna (bls. 4).

Hvað er framundan?

- Fundur samstarfsaðila í Vettvangi-EE, mars 2019, Enniskillen, Norður-Írlandi.
- Kynningarviðburður Vettvangs-EE, mars 2019. Sjá bls. 5 á dreifibréfi um viðburði og leiðbeiningar um hvernig á að skrá sig.



Staðsetning vinnufunda á skipulagssvæðum



Þátttökuskólar

Hverfisráð Fermanagh og Omagh



Fermanagh & Omagh
District Council
Comhairle Ceantair
Fhear Manach agus na hÓmaí



West Tyrone og Erne West



Gagnfræðiskóli St Mary's, Brollagh; gagnfræðiskóli St Aidan's, Derrylin; og St John's viðskipta- og fyrirtækja háskólinn, Dromore

Fyrstu vinnufundirnir hafa verið haldnir á báðum svæðum hverfisráðs Fermanagh og Omagh. Hópur eldri borgara heimsótti Hið opinbera skjalasafn Norður-Írlands (PRONI). Í heildina hafa 21 eldri borgarar og 14 ungmenni tekið þátt í samræðum um ættfræði og fjölskyldusögu og notað sameiginlega tækni til að aðstoða við leit að viðeigandi upplýsingum. Fyrstu viðbrögð eru jákvæð og hinar félagslegu hliðar vinnufundanna hafa verið lofaðar, sumir af eldri borgurunum hafa nú þegar komið sér upp netföngum og keypt sér spjalddölvur.



Fjarðabyggð, Iceland



FJARÐABYGGÐ



Breiðablik



Verkmenntaskóli Austurlands



Um 10-15 eldri og átta ungir þátttakendur hittust til að gæða sér á kaffi og heimabökuðum kræsingum og ræða um málefni innan samfélagsins í Breiðabliki og almennt á Íslandi. Vinnufundirnir gögnuðust þeim við að þróa eigin færni í upplýsingatækni og til að verða virkari á samfélagsmiðlum, sumir skráðu sig á Íslendingabók, sem er vinsælt forrit sem sýnir fjölskyldutengsl á milli fólks.

Borgar- og sýslur. Limerick borgar



Newcastlewest

Desmond háskóli, Newcastlewest

Borgarar í Limerick hafa tekið virkan þátt í Vettvangi-EE vinnufundunum. Um 28-37 eldri og 29 yngri þátttakendur skoðuðu í hópavinnu hugsanlega tálma varðandi þjónustu og hvað gæti valdið félagslegri einangrun í samfélaginu, sem og hvaða þekkingu og viðhorf þau höfðu gagnvart hvert öðru. Allir eldri borgararnir í hópnum hafa nú netföng og aðgang að interneti og eru spenntir að sjá hvernig þeir geta þróað eigin stafræna færni.




Umeå University



Umeå and Åsele



Umeå háskóli



Hópur „eldri borgara í upplýsingatækni“ í Åsele hélt áfram að hittast á þorpsbókasafninu og safna efni um „gömlu, góðu dagana“ þegar þau voru ung. Þeir hafa aðallega verið að skrifa sögur en einnig að taka upp munnlegar frásagnir, oftast sagðar á mállýsku svæðisins. Vinsælt umræðuefni var hvernig jólahald var háttað þegar þau voru börn. Þessi hópur hafði einnig tækifæri til að prufa sýndarveruleika (VR) og þau ímynduðu sér hvernig þau gætu heimsótt fræga staði án þess að fara að heiman.

Vinnu var fram haldið í Umeå háskóla um þróun Fjölpjóðlega menningargagnasafnsins. Búist er við að fyrsta útgáfan líti brátt dagsins ljós og muni nýtast til að mismunandi hópar og einstaklingar á svæðunum geti hlaðið upp eigin menningarefni á ólíku formi, sem og að skoða hvaða efni aðrir hafa sett inn.

Sveitarfélagið Skellefteå



Skellefteå og
Kanal skóli



Kanal skóli

Vinsælt var að prufa og ræða um sýndarveruleika (VR) bæði á meðal ungra og eldri þátttakenda í Skellefteå. Tuttugu ungmenni og níu eldri borgarar tóku þátt í vinnufundum Vettvangs-EE, þar sem þeir voru virkir í að skoða sýndarveruleika, ræða um rafræna heilbrigðisþjónustu og notkun tækni í tilveru eldri borgara. Þau nutu þess að deila þekkingu á upplýsingatækni, hjálpa hvert öðru við að finna og nýta stafræn öpp og þjónustu og eldri þátttakendur tjáðu vilja sinn til að fræðast meira um rafræna heilbrigðisþjónustu.

Frk. Lisbeth Johansson



Við viljum bjóða Lisbeth Johansson, nýja samfélagstengilinn í Skellefteå, velkomna. Lisbeth hefur víðtæka þekkingu á starfi með eldri borgurum og á síðustu árum hefur hún sérhæft sig í umönnun tengdri vitglöpum þar sem hún hefur unnið náið með sjúklingum, fjölskyldum og heilbrigðisstarfsfólki við að bæta lífsgæði og uppfærðslu þeirra sem búa með og hlúa að sjúklingum með vitglöp. Hún var innvinkluð inn í Vettvang-EE þegar verkefnið var í mótun og er spennt að sjá hvernig verkefnið hefur þróast.

“Ég trúir því að þau [þátttakendur] geti lært margt hvert af öðru og ég á von á því að þau muni njóta þátttökunnar og eiga áhugaverðar umræður í hópunum.”



Kynningarviðburður Vettvangs-EE
 Föstudaginn 22. mars 2019
 Hótel Killyhevlin, Enniskillen
 10:30-12:30

Hverfisráð Fermanagh og Omagh býður þér á upplýsingafund um Vettvang-EE (Vettvangur fyrir þátttöku eldri borgara - samskipti og framtak) (á ensku PLACE-EE) verkefnið.

Bæstu í hópinn til að heyra meira um þetta spennandi verkefni þar sem eldri og yngri íbúar á svæðinu skiptast á þekkingu og byggja upp fjölþjóðleg tengsl. Meðal fyrirlesara eru fulltrúar frá RNIB og Omagh sjálfboðaliðamiðstöðinni, ásamt fjölda annarra aðila frá tengdum stofnunum.

Boðið verður upp á hressingu kl. 10.00 og hádegismat kl. 12:30.

Vinsamlega hafið samband við Leza Cleary í síma 0300 303 1777 eða leza.cleary@fermanaghomagh.com til að bóka pláss.

Bóka þarf pláss fyrir þriðjudaginn 14. mars 2019.

Frekari upplýsingar má
finna á:

Vefsíðu: <http://place-ee.interreg-npa.eu/>

Facebook: [fb.me/placeeeeNPA](https://www.facebook.com/placeeeeNPA)

Twitter: [@place_ee](https://twitter.com/place_ee)

Netfangi: place-ee@ulster.ac.uk

☞ Tölublað 4 af Fréttabréfi Vettvangs-EE
verður aðgengilegt í September 2019 ☞



**Mark
Your
Calendar**